



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Replica Ioan. Eckii Adversvs Scripta secunda Buceri  
apostatæ super actis Ratisponæ**

**Eck, Johannes**

**Ingolstadii, 1543**

**VD16 E 416**

Widmung

**urn:nbn:de:hbz:466:1-30106**

# REVERENDISS:

IN CHRISTO PATRI, AC ILLUSTRIS-  
simo Principi & Domino, D. Ioanni Lodouico Treuiros-  
rum Archiepiscopo, sacri Rom. Imperij Principi Electori,  
ac per Gallias & regnum Arelaten, Cancellario, Ca-  
tholicæ ecclesiæ communionem habenti, do-  
mino suo pientissimo, Gratiam  
DEI optat.

Maxētius.

**R**

Reuerendissime in Christo pater, præforibus sunt pericu-  
losissima tempora a saluatore & apostolis prædicta: &  
turbulenta secula Arrianorum, Nestorianorum ac Iko-  
noklastarum obuersantur nobis ante oculos, & d. cere  
possum cum Maxentio seruo dei, patrono monachorū  
Scithiæ contra Nestorianos. Si in hoc seculo posset esse finis menda-  
cij, maneret utiq; quæta ecclesiæ: sed quia inextricabile quodammo-  
do malum nunq; desinit humana corda pulsare, atq; inopinatis argu-  
mentis fidem inquietare catholicam: necesse est sectatoribus verita-  
tis prudenter captiosas sententias præuidere, sapienter quoq; dete-  
gere, prolataq; in medium malleo veritatis cohibere, & vsq; ad ef-  
fusionem sanguinis contra eas pro veritate certare. Eodem consilio  
contra hostem ecclesiæ, fidei & veritatis Bucerum mihi agendum est,  
qui ctsi Myriades hæresum teneat inflatus, & turbines mendacio-  
rum, respondi tamen eius nugiendo libro super actis Ratisponæ,  
in quo detraxit Rom. pont. eius legato inculpatisimo, ac catholicis  
principibus & ordinibus Imperij. Detexi apostata dolos, respondi  
illius calumnijs, & quæ falsa attulit, iubare veritatis illustraui: sed  
nunquid habent finem verba ventosa? minime. Sed quia fabricator  
est mendaciorum & cultor peruerforum dogmatum, vt ait Iob, re-  
dijt nouo libro hæresibus, mendacijs, & iniurijs consutus (forte non  
sine Theseo suo seducto) quem zelo fidei motus non potui præte-  
rrire, quin Aristarchi virga illum iugularem ad cautelā simplicium  
& fidelium consolationem.

Ioan. 16

Iob. 13

Hanc opellam Reuerendissimæ Celsitudinis tuæ dedicaui multis  
permotus rationibus. Nam ecclesiæ sanctæ Treuironum es antistes,  
in qua nullus vnq; hæreticus sedit, sicut in alijs quibusdā metropoli-  
tanis ecclesijs, & deus det ne hodie deficiant. Ad hæc fuit Treueris  
catholicorū doctorū perfugium. Illuc em̄ se contulit, vt ad asylum,  
ex



ex Aegypto beatiff. Athanasius ad Maximinum Treuiforum epi-  
scopum, vt B. Hieronymus testatur, & in cisterna occultatus sym-  
bolum fidei edidit. Quicumq; vult saluus esse, &c. Huc venerunt S.  
Martinus Turonorū episcopus, huc venit B. Hylarius Pictauien.  
B. Hieronymus ciuitatem illam sanctam visitauit. Nam Petro apo-  
stolo autore fidem receperūt Treuiri, ad quos sanctos destinauit En-  
charium vnū ex lxx. discipulis domini, Valerium & Maternum, q-  
tactu baculi S. Petri a mortuis excitatus est. Prætereo tot sanctos e-  
piscopos, qui in hac sancta sede tua sederunt, ex quibus aliqui etiā  
martyrio coronati sunt. Paulinus, Bonosius, Leander, Basinius, Fœ-  
lix, Abrunculus, Britio, Maximus, Numerianus, Auspicius, Valen-  
tinus, Martinus, Marcellinus, Quirinus, Rusticus, Seuerinus, Flo-  
rentinus, Fibicius, Sebandus, Agricius, Nicetius, Hidulphus, Vuc-  
omadus, Legūtius, Marcus, Modovvaldus, Marcus, Fortunatus,  
Magnericus, Poppo Marchio Austriae, Modestus, Lupus, Cyril-  
lus, Celsus, & pleriq; alij. Vide amplissime princeps, quot habeas  
virtutum exempla, q̄ sanctis & Heroicis viris successeris. Adde q̄  
præter episcopos innumera turba martyrum & confessorū tubam  
archangeli apud vos expectat, S. Palmatus proconsul, S. Tyrus, Se-  
natores Treuiforum & martyres innumerabiles Thebæorū, S. Bo-  
nifacij, S. Asteruli, Castor, Seuerinus, Ciriacus, Adelbertus, Goaris,  
Iustus, Beatus, Bantus, Lubentius & cæteri: Quibus accedūt Chri-  
sti & apostolorum ac martyrum reliquiæ, cura S. Helenæ illic loca-  
ta. S. Matthiæ vnici Germaniæ apostoli corpus totum, & ossa mul-  
ta S. Petri, S. Pauli, S. Philippi, S. Iacobi, S. Bartholomei, S. Matthei  
& aliorum maxima copia. Etiam hoc permouit non mediocriter, q̄  
prædecessores tui catholici episcopi, Richardus & Ioannes clemen-  
tes fuerunt in ECKIV M: & nemo dubitat te, vt catholicum præ-  
sulem decet, in eorum vestigijs permanfurum, qui nuper Gregoriū  
Vernbergerum tibi a sacris & concionibus huc ad nos misisti, ad  
synceram & puriorē Theologiam plenius capessendam: sicut &  
incomparabilis & nobilis vir D. Ioan. ab Entschringen tibi a libel-  
lis, vt aiunt, Cancellarius, pignora sua huc misit, vt inter catholi-  
cos catholice educarentur et catholica retinerentur religione. Qua-  
propter boni cōsule hunc laborem meum: dudum enim debueram  
tantum archiepiscopum & veteris religionis amantissimum, in au-  
spicijs dignitatis suæ aliquo demereri officio, quod iam fa-  
cio. Vale felicissime & imperterritum exhibe fidei  
defensorem. Ingoldstadij 10. Ianu. Anno  
gratiæ. M. D. XLIII.

a ij IOAN.